

別譯雜阿舍經

第八

二百七十六
息八

49519



別譯雜阿含經卷第八

失譯

如是我聞一時佛在舍衛國祇樹給孤獨園
時有一天光色倍常於其夜中來詣佛所禮
佛足已在一面坐時此天光甚為熾盛普照
祇洹悉皆大明尔時此天却坐一面而說偈言

住阿練若處

寂滅修梵行

日常食一食

顏色極和悅

尔時世尊復說偈言

不愁念過去

亦不求未來

現在正智食

裁欲為存身


欲於未來世

追念過去事

六情皆怡悅

是以顏色和

如新生茅葦



剪之置日中 凡夫自焦乾 其事亦如是

天復說偈讚言

往昔已曾見 婆羅門涅槃 久捨於嫌畏

能度世間愛

尔時此天說此偈已歡喜還宮

如是我聞一時佛在舍衛國祇樹給孤獨園

時有一天光色倍常於其夜中來詣佛所禮

佛足已在一面坐時此天光甚為熾盛普照

祇洹悉皆大明尔時此天却坐一面而說偈言

諸有憍慢人 終不可調習 詐現修禪定

放逸在空林 由是放逸故 不能度死岸

尔時世尊復說偈言

捨慢常入定

別想盡知法

一切處解脫

不放逸空林

由不放逸故

能度彼死岸

天讚偈言

往昔已曾見

婆羅門涅槃

怖畏久棄捨

能度世間愛

尔時此天說此偈已歡喜還宮

如是我聞一時佛在舍衛國祇樹給孤獨園
時有一天光色倍常於其夜中來詣佛所禮
佛足已在一面坐時此天光甚為熾盛普照
祇洹悉皆大明尔時此天却坐一面而說偈言
云何於晝夜 福業常增長 如法而持戒
何人趣天道

尔時世尊復說偈言

種植園苑林

洪流置橋船

曠野造好井

要路造客舍

是人於日夜

福業常增長

正法淨持戒

如是趣天道

天讚偈言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜還宮

如是我聞一時佛在舍衛國祇樹給孤獨園

時有一天光色倍常於其夜中來詣佛所時

此天光甚為熾盛遍照祇洹悉皆大明尔時

此天却坐一面而說偈言

云何得大力

并獲於妙色

施何得安樂

何緣得淨眼

云何一切施

願為我說之

尔時世尊以偈答曰

施飲食得力

施衣得盛色

施乘得安樂

燈明得淨目

屋宅一切施

如法教弟子

能作如是施

是名施甘露

天讚偈言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜還宮

如是我聞一時佛在舍衛國祇樹給孤獨園

時有一天光色音常於其夜中來詣佛所或

光熾盛遍照祇洹悉皆大明。爾時此天禮佛足已，却坐一面而說偈言：

世間及天人，飲食生歡喜。世間都無有

飲食不生喜。

爾時世尊復說偈言：

若有能信施，使心極清淨。今世若後世

飲食福隨逐。

爾時此天聞佛所說，白佛言：世尊實為希有。

善說斯偈。

復白佛言：世尊，我憶過去有一人，王名曰遲。

緩然，彼國王於四城門施於飲食，城中及市。

亦施飲食。時王夫人白於王言：王今作福願。

聽我等助王爲福王聞其言以城東門所施
之食迴與夫人王之太子亦白父言父母修
福我亦樂修王聞其言以城南門所施之食
迴與太子輔相後來啓白王言王今修善夫
人太子皆修福業唯願聽我助修福業王聞
其言以城西門所施之食迴與輔相時有諸
臣復白王言夫人太子及以輔相咸修福德
我等今者亦樂助修王聞其言即以北門所
施之食迴與諸臣時國中人復白王言夫人
太子輔相咸修福德願聽我等助修福業王
聞其言復以布施迴與人民時典施人白於
王言王之所有於四城門及以布施悉皆迴

與夫人太子輔國大呂國中人民斷於王施
兼竭庫藏王即荅言先所與者已尔與盡自
今已後他方小國所可貢獻半入庫藏半用
修福世尊我念尔時長夜修福我於長夜
獲得勝報常懷喜樂所受福報無有窮盡不
見邊際如我所受得大果報乃知世尊善說
斯偈時遲緩天子聞佛所說歡喜踊躍頂禮
佛足還于天宮

如是我聞一時佛在舍衛國祇樹給孤獨園
時有一天光色倍常於其夜中來詣佛所甚
為熾盛遍照祇洹却在一面而說偈言
如遠至他國 誰為可親者 於其居家中

復以誰為親

於其資財中

復以誰為友

若至後世時

復以誰為親

尔時世尊說偈答曰

若遠至他國

行伴名為親

於自居家中

慈母最為親

於生財利所

眷屬乃為友

能修功德者

是名後世親

天讚偈言

往昔已曾見

婆羅門涅槃

嫌怖久棄捨

能度世間愛

尔時此天聞佛所說歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威

光顯赫普照祇洎悉皆大明却坐一面而說
偈言

人生壽不定 日日趣死徑 無常所侵奪

壽命甚短促 老來侵壯色 無有救護者

恐怖畏向死 作福得趣樂

今時世尊以偈答言

人生壽不定 日日趣死徑 無常所侵奪

壽命甚短促 老來侵壯色 無有救護者

恐怖畏向死 欲得寂滅樂 應捨世五欲

不宜深生著

天讚偈言

往昔已曾見

婆羅門涅槃

嫌怖久捨棄

能度世間愛

時此天子聞佛所說歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威

光顯赫遍照祇洹悉皆大明却坐一面而說

偈言

四時不暫停

命亦日夜盡

壯年不久住

恐怖死來至

為於涅槃故

應當勤修福

尔時世尊以偈答言

四時不暫停

命亦日夜盡

壯年不久住

恐怖死來至

見於死生苦

而生大怖畏

捨世五欲樂

常求於寂滅

天讚偈言

往昔已曾見

婆羅門涅槃

嫌怖久捨棄

能度世間愛

尔時此天聞佛所說歡喜而去

如是我聞一時佛在舍衛國祇樹給孤獨園

尔時夜中有一天子光色倍常來詣佛所威

光顯赫遍于祇洹悉皆大明却在 一面而說

偈言

當思於何法

應棄捨何法

修行何勝事

成就何等事

能度駛流水

得名爲比丘

尔時世尊以偈答言

能斷於五蓋

棄捨於五欲

增上修五根

成就五分法 能度駛流水 得名為比丘

天讚偈言

往昔已曾見 婆羅門涅槃 嫌怖久棄捨

能度世間愛

尔時此天聞佛所說歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威

光顯照遍于祇洹赫然大明却坐一面而說偈言

誰於睡名寤 誰於寤名睡 云何染塵垢

云何得清淨

佛以偈答言

若持五戒者 雖睡名為寤 若造五惡者

雖寤名爲睡

若爲五蓋覆

名爲染塵垢

無學五分身

清淨離塵垢

天復說偈讚言

往昔已曾見

婆羅門涅槃

嫌怖久棄捨

能度世間愛

尔時此天聞佛所說歡喜而去

阿練若憍慢

修福日夜增

云何得大力

何物生歡喜

遠去強親逼

日夜有損減

思惟及眠寤

如是我聞一時佛在舍衛國祇樹給孤獨園
尔時有一天光色倍常於其夜中來詣佛所
威光顯赫照于祇洹赫然大明却坐一面而

說偈言

若人有子孫

則便生歡喜

財寶及六畜

有則皆歡喜

若人受身時

亦復生歡喜

若無有身者

則無歡悅心

亦時世尊以偈答言

若人有子孫

則能生憂惱

財寶及六畜

斯是苦惱本

若復受身者

則為憂惱患

若不受身者

則名寂滅樂

天復說偈讚言

往昔已曾見

婆羅門涅槃

嫌怖久棄捨

能度世間愛

亦時此天間佛所說歡喜而去

如是我聞一時佛在舍衛國祇樹給孤獨園
時有一天光色倍常於其夜中來至佛所威
光顯照遍于祇洹悉皆大明却坐一面而說
偈言

云何義勝利

誰為最親友

衆生依何等

而得自濟活

修造何事務

而能得聚斂

尔時世尊以偈答言

種田為義利

妻為最親友

衆生依熟苗

而得自濟活

若能勤作者

斯業勝聚斂

尔時天復說偈讚言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園
時有一天光色倍常於其中夜來詣佛所威
光顯照遍于祇洹悉皆大明却坐一面而說
偈言

愛中子第一

財中牛第一

明中日第一

淵中海第一

尔時世尊以偈荅言

所愛無過身

能教第一財

慧為第一明

雨為第一淵

尔時天復說偈讚言

往昔已曾見

婆羅門涅槃

嫌怖父棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威

光顯照遍于祇洹赫然大明却坐一面而說

偈言

於其二足中

刹刹最為勝

於彼四足中

牛最為勝者

若於娶妻中

童女為最勝

於諸兒息中

長子為最勝

尔時世尊以偈荅曰

兩足最勝正覺是

四足中勝善乘是

娶妻中勝貞女是

兒子中勝孝者是

尔時天復說偈讚言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

時有一天光色倍常於其中夜來詣佛所威

光顯照遍于祇洹赫然大明却坐一面而說

偈言

何物生為勝

何物入地勝

種子何者勝

擲種誰為勝

時有天子先身從種田中得因以為名焉以

偈荅曰

苗稼生為勝

子入地第一

擁護於耕牛

兒擲種為勝

尔時彼天語此天言我不問汝我欲問佛復

以偈問佛

何物生為勝

何物入地勝

種子何者勝

擲種誰為勝

尔時世尊以偈答言

明生最勝苗

無明滅為勝

親近供養佛

擲種僧最勝

尔時天復以偈讚言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜而去
如是我聞一時佛在舍衛國祇樹給孤獨園
時有一天光色倍常於其夜中來詣佛所威
光顯照遍于祇洹赫然大明却坐一面而說
偈言

云何世間生

云何得和合

幾受世間有

何物苦世間

尔時世尊以偈荅言

六愛生世間

六觸能和合

六受能得有

六情生諸苦

尔時天復以偈讚言

往昔已曾見

婆羅門涅槃

嫌怖又棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園
時有一天光色倍常於其夜中來詣佛所威
光顯照遍于祇洹赫然大明却坐一面而說

偈言

云何劫世間

云何名苦惱

云何是一法

世間得自在

尔時世尊以偈答曰

意劫將諸趣

意苦惱世間

意名為一法

世間得自在

尔時天復以偈讚言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威

光顯照遍于祇洹赫然大明却坐一面而說

偈言

何物縛世間

云何得解脫

斷於何等法

得至於涅槃

尔時世尊以偈答曰

欲縛於世間

捨欲得解脫

能斷於愛縛

是名得涅槃

尔時天復以偈讚言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園
時有一天光色倍常於其夜中來詣佛所感
光普照遍于祇洹赫然大明却坐一面而說
偈言

何物覆世間

何物能圍遶

何物縛衆生

云何世間住

尔時世尊以偈荅曰

老能覆世間

死能爲圍遶

愛縛於衆生

如法住世間

尔時天復以偈讚言

往昔已曾見

婆羅門涅槃

嫌怖又棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威

光普照遍于祇洹赫然大明却坐一面而說

偈言

何物迷世間 何物和合有 何物汙衆生

去何豎於幢

尔時世尊以偈荅曰

無明迷世間 著我和合有 瞋汗染衆生

我慢豎為幢

天復以偈問言

何誰無蓋障 何誰斷於愛 誰出於汗染

誰能倒大幢

尔時世尊以偈荅曰

如來無蓋障 正智得解脫 彼無有蓋障

能盡于愛結 出離於塵垢 傾於我慢幢

尔時天復以偈讚言

往昔已曾見 婆羅門涅槃 嫌怖久棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園
時有一天光色倍常於其夜中來詣佛所威
光普照遍于祇洹赫然大明却坐一面而說
偈言

又財何者勝

修行何善行

能得快樂報

味中何最勝

云何諸壽中

壽命得最勝

尔時世尊以偈荅曰

於諸財物中

信財第一勝

如法修善行

能獲快樂報

於諸滋味中

實語為第一

於諸壽命中

慧命為最勝

尔時天復以偈讚言

往昔已曾見

婆羅門涅槃

嫌怖又棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園
時有一天光色倍常於其夜中來詣佛所威
光普照遍于祇洹赫然大明却坐一面而說
偈言

人於生死中

何者是二伴

誰為教授者

歸向涅槃道

比丘樂何法

而斷於結縛

尔時世尊以偈荅曰

於諸生死中

信為第二伴

智慧如教授

能樂涅槃者

斷諸結使縛

是則名比丘

尔時天復以偈讚言

往昔已曾見
能度世間愛

婆羅門涅槃

嫌怖久棄捨

尔時此天說此偈已歡喜而去

如是我聞一時佛在舍衛國祇樹給孤獨園
時有一天光色倍常於其夜中來詣佛所威
光普照遍于祇洹赫然大明却坐一面而說
偈言

何善能至老

何善最安住

何寶為第一

何物賊不劫

尔時世尊以偈荅曰

持戒善至老

信最為安住

智慧人寶勝

福財賊不劫

尔時天復以偈讚言

往昔已曾見

婆羅門涅槃

嫌怖又棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園
時有一天光色倍常於其夜中來詣佛所威
光普照遍于祇洹赫然大明却坐一面而說
偈言

衆生誰所生

云何常馳求

云何於生死

流轉不解脫

尔時世尊以偈答曰

愛生於衆生

意馳於出塵

一切有命類

輪轉於生死 恒受於諸苦 云何得解脫

尔時天復以偈讚言

往昔已曾見 婆羅門涅槃 嫌怖久棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威

光普照遍于祇洹赫然大明却坐一面而說

偈言

衆生誰所生 云何常馳求 於生死輪轉

何者爲怖畏

尔時世尊以偈荅曰

衆生從愛生
心意馳不停
衆生處生死
苦爲大怖畏

尔時天復以偈讚言

往昔已曾見
婆羅門涅槃
嫌怖久棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園
時有一天光色倍常於其夜中來詣佛所威
光普照遍于祇洹赫然大明却坐一面而說
偈言

衆生誰所生
云何常馳求
生死常輪轉
何者大怖畏

尔時世尊以偈荅曰

愛能生衆生

意識馳諸塵

衆生處生死

業爲大怖畏

尔時天復以偈讚言

往昔已曾見

婆羅門涅槃

嫌怖久棄捨

能度世間愛

息

尔時此天說此偈已歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威

光普照遍于祇洹赫然大明却坐一面而說

偈言

云何名非道

何物日夜逝

梵行誰爲垢

誰惱害世間

云何名澡浴

而能不用水

唯願佛世尊

為我分別說

尔時世尊以偈荅曰

欲名為非道

人命日夜逝

女為梵行垢

亦惱害世間

專修梵行者

潔淨勝彼水

尔時天復以偈讚言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威

光普照遍于祇洹赫然大明却坐一面而說

偈言

何物為第一

諸物中最勝

云何在處處

而得於最上

有何一種法

於世間自在

尔時世尊以偈荅曰

諸於世物中

四陰名最勝

善於彼處處

皆得為最上

四陰名一法

於世間自在

尔時天復以偈讚言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威

光普照遍于祇洹赫然大明却坐一面而說偈言

偈為何者初

云何為分別

偈何所依止

偈以何為體

余時世尊以偈荅曰

偈以欲為初

字為偈分段

偈依止於名

文章以為體

余時天復以偈讚言

往昔已曾見

婆羅門涅槃

嫌怖久棄捨

能度世間愛

余時此天說此偈已歡喜而去

如是我聞一時佛在舍衛國祇樹給孤獨園

時有一天光色倍常於其夜中來詣佛所威
光普照遍于祇洹赫然大明却坐一面而說
偈言

以何知王車

云何知於火

云何分別國

云何知女人

尔時世尊以偈荅曰

以幢知王車

以煙知有火

以主知有國

以夫別女人

尔時此天以偈讚言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜而去

信財及第二

持戒善至老

三種生世間

非道最上勝

偈為何者初

別車為第十

別譯雜阿含經卷第八

裁

音怡悅上

余

茅葦

上

駁

息

